



Broj: 05/2-50-13-28-37,1/17
Sarajevo, 31.1.2017.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO


PRIMLJENO. 07-02-2017			
Organizaciona jedinica	Klasifikaciona oznaka	Redni broj	Broj priloga
05/2	50-19	386	17

B

PREDMET: Izvještaj o radu Odbora za žalbe građana Parlamentarne skupštine BiH za 2016. godinu

Poštovani,

Odbor za žalbe građana je na 37. sjednici, održanoj 30.1.2017., u skladu s članom 15. stav (1) tačka f) i članom 19. stav (1) tačka d) Zakona o nezavisnim i nadzornim tijelima policijske strukture Bosne i Hercegovine, te članom 4. stav (1) tačka f) i članom 5. tačka f) Poslovnika o radu Odbora za žalbe građana Parlamentarne skupštine BiH, usvojio Izvještaj o radu Odbora za žalbe građana za 2016. godinu, te ga dostavlja Parlamentarnoj skupštini BiH na usvajanje.



Prilog:

- Izvještaj o radu Odbora za žalbe građana za 2016. godinu

Dostavljeno:

- naslovu
- a/a



**IZVJEŠTAJ O RADU
ODBORA ZA ŽALBE GRAĐANA
PARLAMENTARNE SKUPŠTINE
BOSNE I HERCEGOVINE**

za 2016. godinu

Januar 2017. godine

Sadržaj

Poglavlje I. Uvodne napomene	3
Odjeljak A. Osnivanje Odbora za žalbe građana	3
Odjeljak B. Sastav Odbora za žalbe.....	3
Odjeljak C. Pravni okvir djelovanja Odbora za žalbe građana	4
 Poglavlje II. Rad i aktivnosti Odbora za žalbe građana	 5
Odjeljak A. Sjednice Odbora za žalbe	5
Odjeljak B. Postupanje po žalbama građana.....	5
Odjeljak C. Žalbe na rad policijskih službenika Granične policije BiH.....	6
Odjeljak D. Žalbe na rad policijskih službenika SIPA-e	10
Odjeljak E. Žalbe na rad policijskih službenika Direkcije za koordinaciju policijskih tijela BiH	11
Odjeljak F. Ostale aktivnosti Odbora za žalbe građana	13

Na osnovu člana 19. stav (1) tačka d) Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08) i člana 5. stav (1) tačka f) Poslovnika o radu Odbora za žalbe građana na rad policijskih službenika u policijskim tijelima Bosne i Hercegovine („Službeni glasnik BiH“, broj 84/09), Odbor za žalbe građana Parlamentarne skupštine Bosne i Hercegovine je na 37. sjednici, održanoj ____1.2017., usvojio i Parlamentarnoj skupštini Bosne i Hercegovine podnosi sljedeći

I Z V J E Š T A J
o radu Odbora za žalbe građana Parlamentarne skupštine
Bosne i Hercegovine za 2016. godinu

POGLAVLJE I.

UVODNE NAPOMENE

Odjeljak A. Osnivanje Odbora za žalbe građana

Odbor za žalbe građana Parlamentarne skupštine BiH (u daljnjem tekstu: Odbor za žalbe građana) osnovan je u skladu sa Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), kao tijelo Parlamentarne skupštine BiH koje u obavljanju svojih aktivnosti djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, organizacije, udruženja ili bilo kojeg naroda u Bosni i Hercegovini.

Odbor za žalbe građana, u skladu sa Zakonom o nezavisnim i nadzornim tijelima policijske strukture BiH i Poslovnikom o radu Odbora za žalbe građana na rad policijskih službenika u policijskim tijelima Bosne i Hercegovine ("Službeni glasnik BiH", broj 84/09), nadležan je za:

- primanje, evidentiranje, procjenjivanje i prosljeđivanje žalbi na postupanje policijskih službenika u Bosni i Hercegovini, kao i njihovo upućivanje nadležnim policijskim tijelima;
- kontinuirano praćenje u kojoj je fazi predmet;
- iniciranje odgovarajućeg postupka protiv podnosioca žalbe u slučaju lažne ili tendenciozne žalbe;
- vođenje svih odgovarajućih evidencija i baza podataka o žalbama građana protiv policijskih službenika Bosne i Hercegovine, rezultatima istrage i drugim faktorima na osnovu kojih je pokrenut disciplinski ili krivični postupak;
- davanje svih informacija podnosiocu žalbe u vezi s njegovom žalbom;
- informiranje Parlamentarne skupštine BiH o svom radu te
- obavljanje ostalih poslova propisanih zakonom.

Odjeljak B. Sastav Odbora za žalbe građana

Shodno odredbama Zakona o nezavisnim i nadzornim tijelima policijske strukture BiH, Odbor za žalbe građana ima sedam članova koji se biraju između uglednih i uvažanih građana koji nisu zaposleni u policijskim tijelima BiH.

Članovi Odbora moraju imati visoku stručnu spremu, najmanje pet članova Odbora moraju biti diplomirani pravnici i u njemu moraju biti zastupljeni svi konstitutivni narodi.

Kandidat za člana Odbora za žalbe građana ne može biti član političke stranke ni lice osuđeno za krivično djelo, osim za krivično djelo iz oblasti sigurnosti saobraćaja.

Za članove Odbora za žalbe građana u mandatnom periodu 2014.-2018. imenovani su¹:

- 1. Vjekoslav Vuković, predsjednik,**
- 2. Bakir Dautbašić, prvi zamjenik predsjednika,**
- 3. Borislav Radić, drugi zamjenik predsjednika,**
- 4. Semir Šut, član,**
- 5. Tihomir Marinčić, član,**
- 6. Negosava Stjepanović, članica i**
- 7. Aleksandra Martinović, članica.**

Konstituirajuća sjednica Odbora za žalbe građana održana je 31.3.2014.

Odjeljak C. Pravni okvir djelovanja Odbora za žalbe građana

Pravni okvir djelovanja Odbora za žalbe građana definiran je članom 1. stav (2) Zakona o nezavisnim i nadzornim tijelima policijske strukture Bosne i Hercegovine, u kojem je navedeno:

Na sva pitanja organizacije i upravljanja te druga pitanja značajna za funkcioniranje tijela uspostavljenih ovim zakonom i odnosa između institucija BiH i odnosa prema pravnim i fizičkim licima, u mjeri u kojoj nisu propisana ovim zakonom, primjenjuje se Zakon o ministarstvima i drugim organima uprave Bosne i Hercegovine i Zakon o upravi.

Shodno citiranoj odredbi, pravni okvir djelovanja Odbora za žalbe građana čine:

- a) Zakon o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08),
- b) Zakon o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13),
- c) Zakon o upravi ("Službeni glasnik BiH", br. 32/02 i 102/09),
- d) Poslovnik o radu Odbora za žalbe građana ("Službeni glasnik BiH", broj 84/09).

¹ "Službeni glasnik BiH", broj 20/14.

POGLAVLJE II.

RAD I AKTIVNOSTI ODBORA ZA ŽALBE GRAĐANA

Odjeljak A. Sjednice Odbora za žalbe građana

U 2015. godini Odbor za žalbe građana održao je 12 sjednica, i to kako slijedi:

Redni broj	Datum održavanja sjednice
25. sjednica	25.1.2016.
26. sjednica	25.2.2016.
27. sjednica	21.3.2016.
28. sjednica	20.4.2016.
29. sjednica	30.5.2016.
30. sjednica	27.6.2016.
31. sjednica	11.7.2016.
32. sjednica	29.8.2016.
33. sjednica	22.9.2016.
34. sjednica	27.10.2016.
35. sjednica	28.11.2016.
36. sjednica	8.12.2016.


Na navedenim sjednicama Odbor za žalbe građana razmatrao je ukupno 121 tačku dnevnog reda, u okviru kojih je analizirao 81 žalbu² i izvještaje nadležnih policijskih tijela na nivou Bosne i Hercegovine.

Odjeljak B. Postupanje po žalbama građana

U izvještajnom periodu Odbor za žalbe građana zaprimio je 97 žalbi koje su se odnosile na rad policijskih službenika, i to:

- 72 žalbe podnesene su protiv policijskih službenika Granične policije BiH,
- 13 žalbi podneseno je protiv policijskih službenika Državne agencije za istrage i zaštitu (SIPA),
- 5 žalbi podneseno je protiv policijskih službenika Direkcije za koordinaciju policijskih tijela BiH,
- 7 žalbi podneseno je protiv policijskih službenika različitih policijskih tijela na nivou entiteta i kantona, a koje su proslijeđene odgovarajućim institucijama na nadležno postupanje.

² U okviru 81 žalbe razmatrano je i 11 žalbi koje su zaprimljene tokom 2015. godine.



Postupajući po žalbama i izvještajima nadležnih policijskih tijela Bosne i Hercegovine, Odbor za žalbe građana je *općim konsenzusom* usvojio 81 zaključak i jednu preporuku koji su dostavljeni nadležnim policijskim tijelima.

Odjeljak C. Žalbe na rad policijskih službenika Granične policije BiH

Tokom 2016. godine Odbor za žalbe građana razmatrao je 64 žalbe na rad i postupanje policijskih službenika Granične policije BiH, zajedno sa izvještajima o izvršenim preliminarnim provjerama Granične policije BiH.

Odbor za žalbe građana jednoglasno je prihvatio 61 izvještaj o izvršenim preliminarnim provjerama Granične policije BiH, dok su tri vraćena na dopunu u skladu sa smjernicama Odbora, i to:

- u predmetu broj: 05/2-50-17-70-60/15, u vezi sa žalbom S.M., 05/2-50-17-70-60/15 i predmetu broj: 05/2-50-17-70-63/15, u vezi sa žalbom R.S.Z., Odbor za žalbe građana zatražio je dopunu izvještaja i to u pravcu dopune izjava i saznanja Terenskog ureda Višegrad na okolnosti donošenja naredbi, te o diskusiji o žalbi na sastanku održanom 23.10.2015. u prostorijama Terenskog ureda Višegrad.
- u predmetu broj: 05/2-50-17-195-9/16, u vezi sa žalbom državljanina Republike Turske C.P., Odbor za žalbe građana zaključio je da Izvještaj Granične policije BiH nije potpuno, te je zatražio da se Odboru dostavi potvrda o oduzimanju pasoša podnosiocu žalbe, obrazloži osnov za oduzimanje pasoša, te ujedno dostavi akt na temelju čega se pristupilo oduzimanju pasoša. Nakon dostave dopunjenog izvještaja Granične policije BiH, Odbor za žalbe građana Parlamentarne skupštine BiH će navedeni predmet ponovo razmatrati i o njemu zauzeti konačan stav.

Među razmatranim žalbama za 12 je utvrđena osnovanost, te je podnesen zahtjev za pokretanje disciplinskog postupka protiv odgovornih policijskih službenika.

U izvještajnom periodu Odbor za žalbe građana, na osnovu razmatranih žalbi, usvojio je pet preporuka koje su dostavljene Graničnoj policiji BiH, i to:

1. Razmatrajući predmet, broj: 05/2-50-17-70-4/15, Odbor za žalbe građana Parlamentarne skupštine BiH primio je k znanju dostavljenu dokumentaciju uz konstataciju da je Granična policija BiH prikupila sve dostupne informacije u vezi s predmetnim događajem po žalbi G.O. S obzirom na to da, na osnovu raspoloživih informacija i dokaza nije utvrđeno da su u predmetnom događaju učestvovali policijski službenici Granične policije BiH, Odbor za žalbe građana poziva Graničnu policiju BiH da, u slučaju da se pojave novi dokazi ili informacije u ovom predmetu, postupi po njima i o tome izvijesti Odbor.
2. Odbor za žalbe građana skreće pažnju Graničnoj policiji BiH da u slučaju anonimnih prijava, posebno onih koje se odnose na krivična djela korupcije, komunikaciju s prijaviteljima usmjerava na prikupljanje činjenica koje se odnose na opis događaja i opis policijskih službenika, a ne na traženje ličnih podataka podnosioca prijave.
3. Razmatrajući predmet broj: 05/2-50-17-70-67/15, Odbor za žalbe građana zatražio je od Granične policije BiH da policijskim službenicima skrene pažnju na izbjegavanje nepotrebnog fizičkog kontakta s građanima, te na obavezu dosljednog poštivanja etičkog kodeksa i pravila službe;
4. Odbor za žalbe građana podsjeća da su nadležnosti Odbora definirane članom 15. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08). S tim u vezi, pokretanje i provođenje preliminarne provjera i internih postupaka Granične policije BiH, te podnošenje izvještaja Odboru za žalbe građana ne isključuju obavezu Granične policije BiH da inicira vođenje drugih postupaka pred nadležnim institucijama Bosne i Hercegovine.
5. Odbor za žalbe građana Parlamentarne skupštine BiH poziva Graničnu policiju BiH da policijskim službenicima ove agencije skrene dužnu pažnju o vrsti informacija koje mogu objavljivati na društvenim mrežama.

Poštujući slobodu govora i izražavanja, pravo na privatnost kao i druga prava zagarantirana Evropskom konvencijom o zaštiti ljudskih prava i osnovnih sloboda, Odbor u ovom segmentu preporučuje da se zbog specifičnosti poslova i radnih zadataka koje obavljaju, kao i dužnosti koje obnašaju, policijski službenici suzdrže od objavljivanja informacija koje su usko vezane za vršenje službene dužnosti ili izvršenje bilo kojeg radnog zadatka, posebno komentara s političkom, vjerskom, etničkom ili drugom pozadinom, a što je u suprotnosti s kodeksom ponašanja policijskih službenika.

Granični prijelazi Bosne i Hercegovine u vezi s kojima su građani podnosili žalbe na postupanje policijskih službenika Granične policije BiH su:

Granični prijelaz BiH	Broj žalbi
	6
MGP Ivanica	
MGP Neum	2
MGP Doljani	6
MGP Klobuk	1
MGP Izačić	2
MGP Velika Kladuša	2
MGP Brod	5
MGP Šamac	1
MGP Orašje	1
MGP Brčko	1
MGP Karakaj - Zvornik	2
PGP Zvornik	3
MGP Hum	2
MGP Novi Grad	1
MGP Rača	1
JGP Dobrljin	2
MGP Šepak	2
GP Ripač	1
MGP Bratunac	1
GP Kostajnica	1
JGP Bosansko Grahovo	1
GP Gradina	1
MGP Gorica	4
MGP Gradiška	6
MGP Aerodrom Sarajevo	4
MGP Aerodrom Tuzla	4

Pet žalbi odnosilo se na više graničnih prijelaza, a svojim sadržajem upućivale su na dugo zadržavanje i kontrole na graničnim prijelazima.

Ostale žalbe nisu u vezi s povredom službene dužnosti policijskih službenika za neki od graničnih prijelaza, već su uglavnom okarakterizirane kao žalbe koje su produkt ličnih sukoba između podnosilaca žalbe i policijskih službenika.

Razlozi za podnošenje žalbi na rad policijskih službenika Granične policije BiH

Razlozi za podnošenje žalbi mogu se podijeliti na sljedeće:

- 1. Neprimjerena komunikacija, drsko i neprofesionalno ponašanje policijskih službenika (14 žalbi)**

Odbor za žalbe građana u više navrata je skretao pažnju Graničnoj policiji BiH na obavezu poštivanja kodeksa ponašanja policijskih službenika, s posebnim akcentom na ophođenje i komunikaciju s građanima prilikom kontrole prelaska granice. Tokom razmatranja žalbi konstatirano je da je u većini slučajeva nezadovoljstvo građana uslovljeno neprimjerenom, suvišnom komunikacijom policijskih službenika, te u nekim slučajevima drskim i neprofesionalnim postupcima policijskih službenika.

Također, Odbor za žalbe građana zatražio je od Granične policije BiH da policijskim službenicima skrene pažnju na izbjegavanje nepotrebnog fizičkog kontakta s građanima, te na obavezu dosljednog poštivanja etičkog kodeksa i pravila službe.

2. Prijave koruptivnog djelovanja policijskih službenika Granične policije BiH (8 žalbi)

Ni u jednom slučaju prijave koruptivnog djelovanja policijskih službenika Granične policije BiH navodi nisu mogli biti ni potvrđeni niti odbačeni, jer nije bilo dovoljno dokaza za to.

Međutim, tokom istrage u ovim predmetima, a na osnovu snimaka nadzornih kamera, u tri slučaja utvrđeno je nesavjesno obavljanje službe u pogledu propuštanja radnje granične kontrole nad određenim licima, zbog čega je podnesen zahtjev za provođenje disciplinskog postupka.

3. Predugo zadržavanje na graničnim prijelazima, te posebne kontrole prilikom prelaska granice Bosne i Hercegovine (16 žalbi)

Odbor za žalbe građana Parlamentarne skupštine BiH u ovim predmetima utvrdio je da u postupanju policijskih službenika Granične policije BiH nisu utvrđene nepravilnosti ni povrede relevantnih zakona.


Radnje, preduzete u konkretnom slučajevima, sastavni su dio procedura Granične policije BiH i u skladu su sa zakonskim propisima koji su na snazi u Bosni i Hercegovini.

S druge strane, predugo zadržavanje na graničnim prijelazima uslovljeno je objektivnim okolnostima na graničnim prijelazima, kao što je brzina internetske konekcije za očitavanje pasoša, frekvencija saobraćaja i sl.

4. Nepoznavanje propisa policijskih službenika prilikom obavljanja granične kontrole (10 žalbi)

Na osnovu prikupljenih dokaza po žalbama koje su se odnosile na navodno nepoznavanje propisa policijskih službenika Granične policije BiH, Odbor za žalbe građana nije utvrdio osnovanost navoda u ovim žalbama.

Ostale žalbe odnose se na pitanja međusobnih, ličnih sukoba i odnosa između građana i policijskih službenika Granične policije BiH, ili se pak uopćeno odnose na postupanje policijskih službenika van obavljanja službe na graničnim prijelazima Bosne i Hercegovine.



Odjeljak D. Žalbe na rad policijskih službenika Državne agencije za istrage i zaštitu BiH (SIPA)

U izvještajnom periodu Odbor za žalbe građana zaprimo je 13 žalbi podnesenih na postupke policijskih službenika Državne agencije za istrage i zaštitu, pri čemu je razmatrano 11 žalbi, od kojih su dvije bile označene određenim stepenom tajnosti u skladu sa Zakonom o zaštiti tajnih podataka ("Službeni glasnik BiH", br. 54/05 i 12/09).

Odbor za žalbe građana jednoglasno je prihvatio 10 izvještaja o provedenoj internoj istrazi Državne agencije za istrage i zaštitu, dok je jedan izvještaj vraćen na dopunu u skladu sa smjernicama Odbora, i to:

- u predmetu broj: 05/2-50-17-1207/16, u vezi sa žalbom D.Dž., Odbor za žalbe građana ocijenio je da Izvještaj Državne agencije za istrage i zaštitu nije potpun, te da u njemu nisu razjašnjene sve okolnosti u vezi s predmetnim događajem.

Naime, Odbor za žalbe građana zatražio je da se predmetni izvještaj dopuni u pravcu provjere navoda žalitelja, i to:

Vaši pripadnici D. i R., inspektori SIPA-e ureda u Bihaću su mi dana 4.4.2016. došli u kuću, bez bilo kakvog naloga, naredbe i kratko i jasno rekli: "U vezi one službene zabilješke nemoj više da šta čačkaš."


Također, zatražena je i dostava informacije da li su navedeni policijski službenici SIPA-e saslušani na okolnosti prijave D.Dž.

Državna agencija za istrage i zaštitu dostavila je traženu dopunu Izvještaja u vezi s ovim predmetom, u kojem je utvrđeno da navodi iz žalbe nisu osnovani, te je Odbor za žalbe građana Izvještaj jednoglasno usvojio.

Odbor za žalbe građana usvojio je 11 zaključaka kojim su usvojeni izvještaji o provedenoj internoj istrazi Državne agencije za istrage i zaštitu BiH.

Odbor za žalbe građana Parlamentarne skupštine BiH zaključio je da u postupanju policijskih službenika Državne agencije za istrage i zaštitu i nadležnih organa u ovim predmetima nisu utvrđene nepravilnosti, ni povrede relevantnih zakona.


Razlozi podnošenja žalbi protiv policijskih službenika Državne agencije za istrage i zaštitu uglavnom su se odnosili na neprofesionalno ponašanje i zloupotrebu službenog položaja policijskih službenika ili su pak rezultat ličnih sukoba između građanina i policijskog službenika.



Odjeljak E. Žalbe na rad policijskih službenika Direkcije za koordinaciju policijskih tijela BiH

U izvještajnom periodu Odbor za žalbe građana razmatrao je šest žalbi na rad policijskih službenika Direkcije za koordinaciju policijskih tijela BiH, dok se za dvije čekaju izvještaji o preliminarnim provjerama Direkcije.

Razlozi za podnošenje žalbi uglavnom se odnose na neprimjereno i neprofesionalno ponašanje policijskih službenika te na neprimjerenu komunikaciju s građanima.



Razmatrajući ove žalbe Odbor ni u jednom prijavljenom slučaju nije utvrdio postojanje povrede službene dužnosti policijskih službenika Direkcije za koordinaciju policijskih tijela BiH.

Odjeljak F. Ostale aktivnosti Odbora za žalbe građana

Zbog potrebe informiranja Parlamentarne skupštine BiH o procesu realizacije aktivnosti koje su naznačene u Izvještaju o radu Odbora za žalbe građana za 2015., Odbor za žalbe građana zatražio je od Granične policije BiH, Direkcije za koordinaciju policijskih tijela BiH i Državne agencije za istrage i zaštitu informaciju o aktivnostima koje su preduzete tokom 2016. godine u ovim institucijama u vezi sa sljedećim zaključcima:

1. "Granična policija BiH, Državna agencija za istrage i zaštitu te Direkcija za koordinaciju policijskih tijela u što kraćem roku treba da izrade planove prema prioritetima za obavljanje sistematskih ljekarskih pregleda policijskih službenika, kako bi se za njih mogla potraživati finansijska sredstva u budžetu za 2016. godinu.
2. Navedene policijske agencije treba da pokrenu postupak izmjene sistematizacije radnih mjesta u smislu otvaranja radnih mjesta za određeni broj psihologa, čiji je angažman više nego potreban za budući uspješan rad policijskih službenika u ovim agencijama."

Granična policija BiH, aktom broj: 17-06-2-04-3-338-32/15, od 10.1.2017., izvijestila je Odbor za žalbe građana o sljedećem:

1. "Obaveza obavljanja sistematskih ljekarskih pregleda nije propisana zakonom ni podzakonskim aktima. Granična policija BiH je, na osnovu internog propisa, samoinicijativno organizirala sistematski pregled za sve policijske službenike u 2008. godini. Rezultat ovih pregleda bio je postojanje određenog broja policijskih službenika koji nisu sposobni za obavljanje poslova policijskog službenika i njihov status je i dalje neriješen. U budžetu 2016. godine nisu bila planirana sredstava za ovu namjenu.
2. Granična policija BiH u važećem Pravilniku o unutrašnjoj organizaciji ima sistematizirano radno mjesto - psiholog."

Direkcija za koordinaciju policijskih tijela, aktom broj: 20-07-50-2035-2/16, od 4.1.2017., izvijestila je Odbor za žalbe građana o sljedećem:

1. "Ne postoji pravni osnov za obavljanje ljekarskih pregleda policijskih službenika, odnosno Zakonom o policijskim službenicima BiH ("Službeni glasnik BiH", br. 27/04, 63/04, 5/06, 58/06, 15/08, 63/08, 35/09 i 7/12) nije propisana takva mogućnost. Predloženim izmjenama i dopunama Zakona propisano je da se policijski službenici mogu upućivati na redovne, periodične i vanredne ljekarske preglede, te bi se njihovim usvajanjem stvorile pretpostavke za izradu planova i obavljanje ljekarskih pregleda policijskih službenika.
2. Direkcija za koordinaciju policijskih tijela BiH je u Prijedlogu novog pravilnika o unutrašnjoj sistematizaciji i organizaciji predvidjela radno mjesto stručnog savjetnika - psihologa, u statusu državnog službenika."

Državna agencija za istrage i zaštitu, aktom broj: 16-11-50-2141-30/15, od 17.1.2017., izvijestila je Odbor za žalbe građana o sljedećem:

1. "Zakonom o policijskim službenicima BiH ("Službeni glasnik BiH", br. 27/04, 63/04, 5/06, 58/06, 15/08, 63/08, 35/09 i 7/12), koji je lex specialis za radnopravni status policijskih službenika, ne propisuje se obaveza provođenja redovnog sistematskog

pregleda policijskih službenika koji imaju dozvolu za nošenje oružja. Također, i drugim propisima koji se odnose na rad ili reguliraju statusna pitanja policijskih službenika ne propisuje se obaveza redovnog sistematskog pregleda policijskih službenika, zbog čega se u budžetu Agencije za 2016. godinu nisu mogla planirati novčana sredstava za njihovo provođenje.

2. U vezi sa zaključkom koji se odnosi na postupak izmjene sistematizacije radnih mjesta u smislu sistematiziranja određenog broja psihologa, u Pravilniku o unutrašnjoj organizaciji Državne agencije za istrage i zaštitu trenutno nema sistematizirano radno mjesto psihologa, te će Agencija prilikom izmjene Pravilnika uzeti u obzir navedeni zaključak. Agencija je u okviru Tvining projekta IPA 2012 "Jačanje provođenja zakona", aktom broj: 16-11-14-2349-80/16, od 10.12.2016., dostavila Ministarstvu sigurnosti BiH inicijativu za izmjene i dopune Zakona o policijskim službenicima u pogledu pružanja psihološke pomoći policijskim službenicima, koji će biti osnov za donošenje podzakonskog akta kojim bi bliže bila uređena navedena materija."



PRILOG:

- tabelarni prikaz održanih sjednica i prisustva članova Odbora u 2016. godini

**TABELARNI PRIKAZ ODRŽANIH SJEDNICA I PRISUSTVA ČLANOVA
ODBORA ZA ŽALBE GRAĐANA PARLAMENTARNE SKUPŠTINE BIH ZA 2016. GODINU**

Broj i datum održavanja sjednice	Ime i prezime člana Odbora						
	Vjekoslav Vuković	Bakir Dautbašić	Borislav Radić	Negosava Stjepanović	Aleksandra Martinović	Tihomir Marinčić	Semir Šut
25. sjednica 25.1.2016.	+	Opravdano odsutan	+	+	+	+	+
26. sjednica 25.2.2016.	+	Opravdano odsutan	+	+	+	+	+
27. sjednica 21.3.2016.	+	+	+	+	+	+	+
28. sjednica 20.4.2016.	+	Opravdano odsutan	+	+	+	+	+
29. sjednica 30.5.2016.	+	+	+	+	+	+	+
30. sjednica 27.6.2016.	+	+	+	+	+	+	+
31. sjednica 11.7.2016.	+	+	+	+	+	+	+
32. sjednica 29.8.2016.	+	+	+	+	+	+	+
33. sjednica 22.9.2016.	+	Opravdano odsutan	+	+	+	+	+
34. sjednica 27.10.2016.	+	+	+	+	+	+	Opravdano odsutan
35. sjednica 28.11.2016.	+	+	+	+	+	+	+
36. sjednica 8.12.2016.	+	+	+	+	+	+	+